



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Iustitia || Britannica, || Sive || Anglica, || Qvae Contra
Chri-||sti Martyres Conti-||nenter exercetur**

Sander, Nicholas

Ingolstadii, 1584

VD16 S 1610

Mariæ Serenissimæ Scotorum Reginæ constantia in fide Catholica tuenda.

urn:nbn:de:hbz:466:1-11272

Qui autem in Anglia degentes ab omni cum hæreticis communione, tam in Sacramētis, quàm in precibus abstinent, præterquam quod infirmitati sunt, nec enumerari facile à quocumque possunt, etiam tutum illis non est, ut hoc in loco detegantur, ne per eam occasionem, citius eos ad pœnam rapi contingat. Ceterùm quia etiam fœminæ repertæ sunt, quæ fidem intrepidè usq; ad vincula & mortem confiterentur, nec illas oportet prætermittere.

MARIÆ SERENISSIMÆ SCOTORUM Reginae constantia in fide Catholica tuenda.

PRIMAM in hoc genere laudem Maria, per Dei gratiã, Serenissima Scotorum Regina promeretur, quæ ob Catholicæ fidei studium & amorem, à subditis suis hæreticis primùm odio habita, deinde in carcerem iniquissimè coniecta est.

Illustrium
fœminarũ

Cumq;

Cumq̄ ex illa custodia unius adolescentis opera, non sine quodam miraculo, educta esset: iterum à subditis suis bello petita, & in Angliam fugere coacta, ibi hereticam immanitatem denuò subiit, non hospes apud hospitem tuta, licet priusquam in Angliam ingressa esset, fides ei multis verbis & munusculis de securo ingressu data fuisset. Porrò dum in Anglia degit, hæc ei conditio delata dicitur, ut si heresim, quæ iam in Anglia regnat, sese confirmaturam sponderet, proxima Regni hæres in Comitibus publicis declararetur. Illa verò Catholicam fidem sibi antiquiorem esse Regno suo respondit, verè fortis mulier, & digna quæ à subditis hæreticis tot modis oppressa, Catholicis demum populis præsit. Quanquam sanè maius quiddam mihi esse videtur, pro fide Catholica pati,

constantia
in fide Ca-
tholica tu-
enda.

quàm in fide Catholica regnare.

Nobilis vidua, Domina Iana Dormera, Auia Illustrissima Ducissa de Feria, cum patriam suam hæresi occupatam videret, exsili-um sponte subiens, per hos duode-cim annos ita Louanij egit, vt non solum seipsam à schismate omni contineret, sed etiam pes claudò, oculus cæco, baculus infirmo fa-cta sit, verè mater pupillarum, & viduarum patrona.

Domina VVhartona.

Domina VValgrauia.

Domina Carevu.

Domina Mettama.

Domina Broka.

VVilkinsona.

Malena.

Fremanna.

Ioanna Stubs.

VWilliamsona.

Ioanna Storea.

Virorum insi-
gnium Eque-
stris ordinis
uxores, in sin-
cula ob fidei
confessionem
consecta.

Illustrium
fæminarũ
constantia
in fide Ca-

Graues
Matronæ
ob fidem

Doro-

*Dorothea Harri-
sia, Margareta Mori
filia quondā ancilla,
nunc Ioannis Harri-
sij uxor, que & ipsa
Morotunc morti ad-
iudicato obuiā occur-
rens cū Domina, ul-
timū ab ipso osculum
in hac vita tulit: cu-
ius truncatum capite
corpus paulò post Do-
minæ famulata, &
lintheo inuoluit, & se-
pulchro vnâ cū Mar-
garetha Clemētis of-
ficiosè imposuit.*

*aliquando
aut vin-
ctæ, aut
exsules.*

*tholica tu-
enda.*

*Virgo quadam nomine San-
dra, Ioannis Cublei ciuis Herefor-
diæ filia, cū annorum fere quin-
decim esset in carcerem à Scoreo
Pseudoepiscopo coniecta, in fide
permansit usq; ad mortem, cuius
causam ex carceris fætoe hau-
sisse creditur.*

Nec

Nec tantum singuli homines, verum etiam integra familia domum ac patriam reliquerunt, ut Sedis Apostolicæ unitatem non desererent.

Quo in numero facile primas tenet Shelleorum antiqua stirps & clara cognatio. Eius enim nominis & sanguinis fratres primum tres, hoc est, quotquot super sunt: deinde alij tres patruales in exilio voluntario agunt.

Quos in ea virtutis laude commitatus vir optimus & praestantissimus Humfridus Sheltonus, unâ cum uxore, liberis, omniq; familia Cameraci agit.

Georgius Tyrellus, cum duobus filiis Angliam reliquit, ut Ecclesiæ Dei adhereret.

Gulielmus Stapletonus, cum uxore, liberis & nepotibus ex Anglia exiit, ut ex Ecclesia Romana & Catholica non exiret.

Ioannes Harrisus, quondam

*Integra
familia Re-
gnum An-*

à Se-

à Secretis insigni Martyri Thomæ Moro, cum uxore, liberis, & familia, eandem crucem sustulit, & insigni cum patientia portat.

Ioannes Foulerus, Harrisij filiam in uxorem duxit, qui & ipse cum liberis & familia Louanij agit, vir Græcè Latineq; doctus.

Nec mihi fas est Elisabetham Gulielmi Sanderi olim uxorem, nunc viduam, hac eadem laude priuare, quæ præter filium, quem Christo ab infantia dedicauit, duas filias sanctissimo D. Brigittæ monasterio tradidit, ubi ambæ laudabiliter degunt, quarum natu maior, Margaretha, sub Catharina Palmera, sanctissima eius Conuentus Abbatissa, Priorissæ locum tenet.

Andreas VVagus, cum uxore & liberis Louanij degit.

Storeorum familia duæ, cum liberis & nepotibus, Louanij agunt.

glia reliquerunt, ut Romano Pontifici adhererent.

Ioan-

Ioannem Clementem artis medicae Doctorem, Graecae, Latinaeque linguae peritissimum, sed fide ac pietate multò insigniorem ultimo loco posui, nō quia priorem meritis sit, verum ut eo diutiùs in eius memoria posteris cōmendanda versarer.]

Tanta enim huius viri atque uxoris eius constantia in fidei Catholicae negotio semper fuit, ut bis ob eam causam à Regno Angliae, sub Principibus Edouardo & Elisabetha exsulerit.

Cui cum Deus filium quidem unicum Thomam Clementem, virum grauem & doctum, filias verò quatuor donasset, omnes tum Graecè Latineque docuit, tum ex haeretica & schismatica Insula eduxit, duas verò ex filiabus Christo apud Louanium despondit, quarum altera Dorothea apud sanctam Claram, sanctissime viuit, altera verò Margaretha apud sanctam Ursulam, sororibus fere octoginta, senioribus iunior, Germanis Angla, ex earundem spontanea electione, insigni cum laude praest.

Cum

Cum verò Elisabetha VVooford sanctissima virgo, & ipsa Angla, tum in eadem domo agat, tum omnium consiliorum Margaretha particeps sit, nec ipsius nomen mihi licuit hoc in loco praterire.

Sed ut redeam ad Clementem meum, is habuit uxorem, Margaretham nomine, Græcè Latineq; scientem, nec artis etiam medicæ ignaram, in omni virtutum genere multò peritiozem: quæ quondam ministraverat Margarethæ alteri, nimirum Thomæ Mori sanctissimi viri sanctissima filia, ei videlicet, quæ patri ad martyrium properanti cum osculo & amplexu in via occurrerat: in qua sanè familia hæc Ioannis Clementis uxor, insignem animi fortitudinem pietatemq; didicerat, eandemq; usq; ad mortem, quam Mechliniæ nuper obiit, integerrimè conseruauit. Cuius vir eius istud monumentū posuit, quod in tantæ matronæ memoriam hoc in libro existare volui.

Clemen-

*Clementis coniunx hoc Margareta sepulcro
Dormit, qua nulli carior vlla fuit.*

*Hæc mihi plus quàm quadraginta & quatuor
Iuncta fuit, rara & norma pudicitia. (annos
Gnatos & gnatas docuit Græcè atq; Latine,
Sed magis instituit, iussa tenere Dei.*

*Ex iis pars nupsit Christo, pars altera mundo:
Vtraq; sed viuit, dispare sorte, Deo.*

*Posthabuit Christi fidei patriamq; domumq;
Ausaperegrino credere membra solo.*

*Margareta vale, mi dilectissima coniunx,
Moribus eximiis, & pietate pari.*

*Vos rursus, pater, & fili, gnatæq; valete,
Et prome assiduas fundite, quaeso, preces.*

*Testes isti, quos ad Primatum Pontificis
Romani confirmandum iam protuli, non sunt
de plebeia fæce Sellulariorum, non milites, nõ
Scholastici auditoriales, non nautæ, taberna-
rij, cætarij, coqui, lanij, non adolescentes ex
Monachis dissoluti. Quidam istorum Episco-
pi sunt, veritatis acerrimi defensores: reliqui
verò Decani Ecclesiarum, Archidiaconi, Ca-
nonici, Presbyteri, Collegiis Præfecti, Theolo-
gi, Iurisconsulti, Medici, Ludimagistri, de-
niq;*

*nig, omnes docti viri & graues, qui non tam
 verbis nudis loquuntur, quàm factis, & rebus
 ipsis clamant: Sic à maioribus accepimus, sic
 prædicatum audiimus, sic credimus, pro hac
 Petri Cathedra, pro huius Pontificatus Pri-
 matu, alij vincti sumus, alij vinctis compati-
 mur, alij bonorum nostrorum rapinam cum
 gaudio suscepimus, alij animas in caritate
 perfecta posuimus, cognoscentes nos habere
 meliorem & manentem in cælo substantiam.*

ANGLORVM, QVI OB FIDEM
 Catholicam & Romanæ Ecclesiæ Pri-
 matum arma ceperunt, & adhuc
 in exilio agunt, nomina &
 conditiones.



*V*M Apostolica Sedes Elisabethã
 ab Ecclesia defecisse, totumq; An-
 glia Regnum ea re schismaticum
 factum esse, videret: semel & ite-
 rum Legatos in Angliam misit, qui gentem
 illam ad officium reuocarent. Verùm iis Le-
 gatis ne aditus quidem ad Insulam patuit:

F

tantum